

# Buletin



UNIVERSITI  
TEKNOLOGI  
MARA

e-ISSN: 2600-8289

# ACIS

Syaaban 1445/ Februari 2024



## Terima Kasih Ustazah Norlela Kamaluddin

Isu Fitnah dan Khabar Angin di sebalik Peristiwa Perang Bani Al-Mustaliq

PUISI TRADISIONAL: Kelangsungan Keindahan Bahasa dan Adab Melayu

Ibadah dalam Masyarakat: Polemik yang tidak berkesudahan

PUISI: Persuratan Rentak Lisan

Pensyarah ACIS Berjaya Merangkul Naib Johan Dalam Musabaqah  
Tilawah dan Hafazan Al-Quran Peringkat Negeri Sembilan 2024

eISSN 2600-8289



9 772600 828001



# Terima Kasih Ustazah Norlela Kamaluddin

Oleh:

**Hisam Satari, Nasif Sidquee Pauzi & Ahmad Faiz bin Haji Ahmad Ubaidah**

Pensyarah Kanan Akademi Pengajian Islam Kontemporari (ACIS), UiTM Cawangan Negeri Sembilan, Kampus Seremban



Cawangan Negeri Sembilan



## Ucapan Penghargaan & Terima Kasih

**Puan Norlela binti Kamaluddin**

**Pensyarah Kanan (DM52)**

**Akademi Pengajian Islam Kontemporari**

**UiTM Cawangan Negeri Sembilan, Kampus Seremban**

**di atas khidmat bakti selama 34 tahun**

**(01/01/1990 hingga 22/01/2024)**

**Tarikh bersara berkuat kuasa mulai**

**22 Januari 2024**

*ikhlas daripada :*

**Rektor, Pengurusan & Warga  
UiTM Cawangan Negeri Sembilan**



Setinggi-tinggi ucapan penghargaan dan terima kasih diucapkan kepada Ustazah Norlela Kamaluddin atas segala sumbangan dan bakti yang telah dicurahkan selama berkhidmat selama 34 tahun di UiTM. Banyak kenangan dan nasihat yang diberikan kepada kami sepanjang perkenalan beliau di UiTM Cawangan Negeri Sembilan, Kampus Seremban.

Buat Kak Lela, persaraan bukanlah penamat kepada kehidupan. Anda telah menjadi inspirasi besar kepada kami. Kami tidak akan melupakan setiap kenangan indah, untai nasihat dan pedoman yang disulam ketenangan wajah dan senyum manis. Perkara yang kami pelajari semasa bekerja akan menjadi sesuatu yang tidak akan kami lupakan. Terima kasih kerana berada bersama kami, menjadi rakan, penasihat, pembimbing, kakak dan ibu. Itulah saat-saat yang hebat dan kami akan mengingati selama-lamanya.

Sepanjang berkhidmat Kak Lela menjadi tempat rujukan jika terdapat kemusykilan. Dalam kata-katanya terdapat hikmah dan pedoman. Gerak kerjanya tersusun rapi dan sistematik. Semoga semua itu dapat kami ikuti dan kami amalkan untuk masa mendatang. Dalam kesukaran dan

cabaran menjaga ibunya, Kak Lela terus bersemangat dan berdedikasi dalam mendidik anak bangsa. Walaupun diri berada dalam keuzuran, tanggungjawab sebagai pendidik tetap dilaksanakan dengan ikhlas dan lapang hati.

Terima kasih yang tulus kepada ustazah yang hebat. Dedikasi dan semangat kerja berpasukan yang tidak berbelah bahagi telah memberi inspirasi kepada kami setiap hari. Semoga Allah membalas jasa Kak Lela dengan kebaikan yang banyak.

*Tuan puteri pergi ke Rasah  
Pulang semula sebelah pagi  
Kita bertemu akhirnya berpisah  
Diizin Allah bersua lagi*

**SELAMAT BERSARA USTAZAH NORLELA KAMALUDDIN  
(1/1/1990 – 22/1/2024)**



